

nifestum est, aliter ibi Deus, aliter angelii apparent; alia iti-
dem Deus, alia angelii loquuntur, nunciant & revelant.

DIVINA SCITU NECESSARIA.

XII. Objectum hoc divinae revelationis est, res nempe
divinæ scitu necessariæ. Divinas res hic ratione scientie
divinae consideramus, atq[ue] illas ita appellamus, quæ soli divinae
cognitioni subsunt, quæque per intellectum humanum pro-
prijs non acquiruntur viribus; quod posterius priori latius sed
prius est principalius. Distinctius paulo h[oc] proponamus: Res
quædam ita sunt comparatae, ut nullus humanus intellectus ex se
ad eas assurgere valeat, etiam si omnes intendat vires; quædam
vero ut humanus quidem intellectus ea cognoscere, sed certo
modo possit utræq[ue] per divinam revelationem innotescunt. Horū
omnium tres constituemus classess. Intellectus enim huma-
nus quædam res non capit. perse. 1. propter corum excel-
lentiam ut sunt divina mysteria Trinitatis incarnationis &
reip[ublica] cœlestia 2. propter eorum non existentiam, ut sunt fu-
tura contingentia, quæ nec in se, nec in suis causis sunt. 3. propter
absentiam à sensibus, humanus enim intellectus, sensuum mi-
nisterio circa singularia utitur, quod ergo non prius in sensibus
fuit, in intellectu esse non potest; ita cordis abdita & longe dissi-
ta nisi per vocem auditui vel per literas visui offerantur, ab in-
tellectu cognosci non possunt: sic artificiosa, præterita &c. non ni-
scertis cum adminiculis cognoscuntur. Illa ergo scire, & h[oc]
sine adminiculis debitis scire, divinae cognitionis est, & quan-
do hominibus innotescunt, revelationis.

XIII. Nec vero sine causa scitu necessaria esse, de quibus
agendum addidimus, ut ita curiositati humanae limites ponamus,
quæ perversam hanc rationem ab Eva hereditario quæ acce-
pit jure curiosius quam pars est in divina querendi & divinam
scien-